

皇朝詞林典故

卷七
之八

PL
2548
C55
1887
v.5

LIBRARY
MAR 24 1975

皇朝詞林典故卷七

天章

詩

高宗純皇帝

聖製五詞臣五首

事故大學士梁詩正

梁詩正雖曾在尚書房。彼時余學已成。

名爲師而實友。其入閣。又不過半年。無事蹟可紀。而直內廷則甚久。因列之詞

聖德。臣猶舒赫德之列於功臣。黃廷桂等之

高宗。列於督臣也。詩正浙之錢塘人。雍正庚

戌。一甲三名及第。授編修。再遷至侍講

大學士。雍正十三年。以母病乞歸省。旋丁

皇母憂。乾隆元年。召來京。直南書房。兼授

諸皇子讀。尋補侍讀學士。洊陟尚書。由戶部調兵部。協辦大學士。遷吏部尚書。十七年。以父年老。請歸侍養。廿二年。南巡。命在籍食俸。廿四年。起署兵部尚書。再踰年。授吏部尚書兼翰林院掌院。仍協辦閣務。廿八年六月。授大學士。十一月。卒於位。命皇子往奠。優加贈卹。入祀

賢良祠詩。正老成勤恪。詩筆工整。亦能
書。與汪由敦。蔣溥等排次三希堂法帖。
其資望爲內廷翰林所推。懷舊詞臣之
作。故當首及耳。

未可甘盤倫。祇宜顏般等。信稱館閣材。句
每有清警。踐更旣已深。遂亦絲綸領。一夜
無病逝。入閣實未永。持身恪且勤。居家儉

而省。內廷行最久。交接一以屏。不似張照

揮霍。故率稱其冷。

梁詩正性儉嗇。雖在內廷多年。於太監等鮮所

交際。非若張照之隨意揮霍。故若輩喜張而憎梁。太監鄭愛桂。每於余前。稱照之長以形詩正之短。余燭其情偽。議愛桂罪。并降旨通諭宦寺。知所炯戒。衆或有言詩正太冷者。余轉以此取之。翻以是嘉之。吾豈蔽近倖。

故刑部尚書張照

內廷詞臣之歷資最久者。莫如張照。張

照江蘇婁縣人。康熙己丑翰林。

皇考御極。擢贊善。洊陟內閣學士。遷刑部侍郎。管順天府尹事。尋晉尚書。雍正乙卯。命赴貴州經理苗疆。余嗣位。徹回。以總督張廣泗往代。初張照承

皇考命赴黔。曾

諭及苗疆事。鄂爾泰或有經理未善處。照既

至。卽札致哈元生。令搜求鄂爾泰之事。
哈元生據以入告。是照未能領畧。

聖意。辦理失宜。實自取戾也。因命罷職治罪。
時鄂爾泰以大學士充總理事務。因欲
置之重刑。而余悉其委曲。不肯旣而宥
之。命在武英殿修書行走。乾隆丁巳。授
內閣學士。入直南書房。庚申。遷刑部侍

郎踰年擢尚書。甲子冬，丁父憂歸。卒於途。賜卹如例。張照性穎敏，博學多識，中和韶樂多所釐定，文筆亦雋逸拔俗，尤工書。臨撫各臻其妙，字無大小，皆有精神貫注。閱時雖久，每展對，筆墨如新。余嘗謂張照書過於董其昌，非虛譽也。

書有米之雄，而無米之畧。復有董之整，而

無董之弱。羲之後一人。舍照誰能若。卽今
觀其蹟。宛似成於昨。精神貫注深。非人所
可學。

三朝直內廷。受

恩早且渥。

叶

其詩喜談禪。學蘇

謂東坡

太相

去聲

著。以苗疆獲罪。意實別有託。

張照既未能
體皇考

聖意。妥辦苗疆。而先以尋鄂爾泰之釁爲
急。原應治重罪。然其事之始末。適以奉

諭同理苗疆。故知之最悉。而不肯抵彼以罪。照應如何感激朕恩。而彼乃私有怨言。竟謂朕受鄂爾泰蒙蔽。抵彼以罪。若朕果受鄂爾泰蒙蔽。則照早不保首領矣。尚有後日之爲尚書耶。然事已過。亦不追治其罪。恐疑案滋後世之議。故明叙而注之。平苗事既久。復用仍遷擢。性敏才本高。未免失行薄。使其生前明標榜。必致錯。本朝無所施。小哉張與鄂。鄂爾泰。張廷玉。素不相得。兩家各有私人。但我朝綱紀肅清。不能如明季門戶黨援之盛。蓋照卽張所喜。而鄂所惡者。張廣泗

卽鄂所喜而張所惡者。余非不知。旣不使
一成一敗。亦不使兩敗俱傷。在余心固自
有權衡。而鄂與張兩皆
成就爲賢臣。不亦善乎。

故吏部尚書汪由敦

汪由敦。休寧人。占籍浙江之錢塘。有名
於敷文書院。雍正甲辰。以二甲傳臚。選
翰林。洊厯侍讀。余卽位初。擢四譯館卿。
入直南書房。旋遷內閣學士。乾隆二年。

以不密降侍讀學士。五年復授內閣學士。遷禮部侍郎。繼由兵部調戶部。九年。晉工部尚書。調刑部。十一年兼署左都御史。爲軍機大臣。十四年協辦大學士。會張廷玉致仕將歸。乞余一言。爲配享太廟左券。元老大臣不宜爲此要君之事。欲命軍機大臣降旨詰問之。而由敦免冠。

叩首奏言。張廷玉蒙聖恩。曲加體恤。終始矜全。若明發諭旨。則廷玉罪將無可追。此則師生捨身相爲之私情。已露。不可不示懲創。因罷其協辦之任。降兵部侍郎。十六年。轉戶部。尋擢工部尚書。明年。調刑部。又明年。遷吏部尚書。二十三年春。遭疾。賜醫診視。竟不起。卽親臨奠。

醖。並賦輓詩致慨。入祀賢良祠。從優贈
卹。由敦學問淵純。古文雅飭有法。工書
善臨撫。功不少輟。乃年未七十而歿。追
念舊臣。每深惜之。

由敦亦工書。用功過於照。而實不能及。則
以天分料。古學實勝之。雅正弗輕掉。任職
本謹愿。書諭夙夜效。乃以師生誼。獲罪自

所召。

由敦既爲廷玉叩顙免降明旨。及廷玉奉允令配享之旨。具摺謝恩。詞稱

泥首闕廷。並不親至。及欲傳旨。令其明白回奏。次日廷玉卽至內廷。此非由敦漏泄

而何。徇私情而忘公義。其咎實自取也。

不可聽其然。小懲大

戒。劭然亦旋重擢。改過斯堪教。飾終仍加

恩。善善欲長導。

故刑部尚書銜原刑部侍郎錢陳羣

詞臣退居林下。齒爵學問。足爲搢紳領

袖者。惟錢陳羣。沈德潛二人。余昔有二
老江浙之大老句。東南士大夫多欣羨
之。陳羣浙之嘉興人。康熙辛丑翰林雍
正九年。遷贊善。洊歷侍講學士。十三年。
直南書房。尋改右通政。乾隆元年。丁母
憂歸。其母陳氏。知書工繪事。陳羣少時。
母每勗之學。有夜紡授經圖。陳羣嘗奏

及余嘉而題之。服闋補原官。六年擢太僕卿。累遷至刑部侍郎。十七年得轉穀疾。連疏乞解職。准回籍調治。廿二年命在籍食俸。廿七年加尙書銜。三十年賜其幼子錢汝弼爲舉人。皆南巡迎鑾時所加恩也。再與香山九老。矍鑠如舊。冀其尙可再赴闕廷。曾賜儻以資願養。三

十九年正月。竟以疾卒於家。聞而悼惜。優卹有加。祀賢良祠。陳羣深於詩學。書法亦蒼老。家居以後。每歲錄寄御製詩百餘篇。命之和。陳羣旣和韻。並寫冊頁以進。冊必有跋。字體或兼行草。余甚愛之。詩多不經人道語。而其香山詩。有鹿馴巖畔。當童扶之句。喜其超逸。親爲圖

以賜。及駐蹕香山。覽其抵家奏。卽得二句云。香山適接還鄉信。卽景尤思扶鹿人。於摺內批答之。仍續成書幘寄示。如此佳話。今不可復得矣。能無追念乎。

少年困場屋。賢母授之經。故學有淵源。於詩尤粹精。經濟雖非卓。不失爲老成。以疾賜懸車。還鄉信循名。

相傳嘉興有還鄉河。故其地仕宦多歸老。

者。吾於陳羣益信。迎鑾三於浙。祝

釐兩入京。倡和稱最多。陳羣三次迎鑾。兩次入都。令其和韻極多。

如田園詩之類。亦有賜和其韻者。頌中規亦行。林下惟恂

謹。文外無他營。優游登大耄。生賢沒亦榮。

故禮部尚書銜原侍郎沈德潛

沈德潛與錢陳羣余嘗稱為江浙二老。

施恩則同。而守分承恩。則沈不逮錢遠。

甚。德潛吳中諸生。久困場屋。乾隆戊午
舉於鄉。年已七十。其成進士。選詞林。皆
由物色而得之。授職甫三年。卽擢至詹
事。再遷禮部侍郎。命在尚書房。授諸皇
子讀。戊辰秋。引年乞休。准致仕。瀕行。呈
所作歸愚集。籲賜序文。德潛早以詩鳴。
非時輩所能及。余耳其名已久。頻年與

之論詩名實信相副。笑俞所請。因云非常之人。然後有非常之遇。德潛受非常之知。而其詩亦今世之非常者。故以非常之例序之。蓋異數也。辛未南巡。命在籍食俸。丁丑加禮部尚書銜。乙酉賜其孫維熙爲舉人。嗣復時予存問。冀躋百齡。尋以己丑秋卒於家。聞而贈階優卹。

以示軫惜。并入祀鄉賢祠。生前身後。寵榮至矣。顧其辛已來京。以選刻國朝詩別裁集乞序。閱之。則以錢謙益輩爲本朝之冠。其人皆士類所不齒。德潛首列之。離忠孝而言詩。乖於正道。其他序次亦多踳誤。意德潛耄荒。或其門下士。依草附木者流所爲。而德潛未及檢。因命

內廷翰林重爲精校。以定去留。并序示
大義而還之。猶包容不加責也。戊戌秋。
徐述夔逆詞案發。沈德潛曾爲作傳。稱
其品行文章皆可法。直視悖逆詩句爲
泛常。轉欲爲之記述流傳。則良心漸滅
盡矣。使其身尚在。獲罪不小。雖已死。亦
不可竟置不論。因下廷臣議僉云。應削

奪所有階銜祠諡并仆其墓碑。以爲衆
戒。並從之。今作懷舊詩。仍列諸臣之末。
用示彰瘡之公。且知余不負德潛而德
潛實負余也。

東南稱二老。曰錢沈則繼。並以受恩眷。佳
話藝林志。而實有優劣。沈躋錢爲粹。錢已
見前詠。茲特言沈事。其選國朝詩。說項乖

大義。

錢謙益品本不端。且以明季大臣降順本朝。復膺顯秩。而又陰爲誹刺。進

退無據。實不足比於人類。德潛取爲國朝詩之冠。竟不論其名節有虧。妄加評許。昧於忠孝大義。尚何足以言詩。詳見向所作國朝詩別裁集序。

制序正厥

失。然亦無訶厲。仍予飾終恩。原無責備意。

昨秋徐

述夔

案發。潛乃爲傳記。忘國庇逆臣。

其罪實不細。用是追前恩。削奪從公議。彼

豈魏徵比。仆碑復何日。

叶

蓋因耄而荒。未

免圖小利。徐述夔家饒於貲。德潛爲之作傳。不過圖其潤筆。貪小利而諛。

大逆。不知有恥。設曰有心爲吾知其未必。并不知畏法矣。

叶其子非已出純袴甘廢棄。德潛無子。其嗣子種松不

知何所來。人甚不肖。狎邪作惡。曾命該撫就近約束之。幸而未致生事抵罪。而德潛末年所得諛墓財。皆被其蕩費罄盡。娶妾至多。養子至十四人。其視德潛賜舉人者不久。卽天。其餘無一成材者。實德潛忘良負恩之報也。孫至十四人。

而皆無書味。

天網有明報。地下應深媿。可惜徒工詩。行闕
信何濟。

聖製題朱彝尊井田硯

曝書亭裏考經義。井字硯田磨欲平。自是

伊人思復古。可知復古實難行。

井田不可行於後世

向每切論之。及題夏休周禮井田譜。復爲闡發其義。詳見前詩註。

聖製賜江蘇學政劉墉

曾此司文柄。後教習政衡。

劉墉官翰林時。曾任江蘇學政。

後出爲府道臬司。俾練習政務。

存升至卿貳。重莅訓諸生。

去稗收精鑿。駕輕就熟程。勗哉莫孤望。爾

父國之楨。

聖製遊烟雨樓與梁國治董誥聯句再疊前

韻作

聖製

所貴省方者。休民與察吏。間亦涉吟詠。

斯復經品第。湖平鑑澄心。樓迴納遠

致。放舟帆挂蒲。

臣梁國治

聖製理楫裳集芰。餘事問花柳。正務課雨霽。遺

蹟緬元璚。

連疆記吳地。

嘉興今雖屬浙江。唐以前則吳地也。

摘詞

座無譁。授簡席欲避。貌爾慚蚓竅。

臣董

誥。

聖製依然答松吹。莊有續舊韻賡。錢陳憶西清。

肄。嗟均作古人。

慰適豁久翳。

四巡昔未扈。再疊今初伺。

前此四次駕南巡。臣皆未及聖

扈從。茲初與聯句。不勝榮幸。

體遜藍本藍。

臣梁國治

聖製

攬鮮翠微翠。

烟雨樓四面遠近皆無山。

魚躍帶波活。鳶

飛齊雲遂。雉堞郡城望。

蠶箔村舍暨暇仍

詢倪鋤。

憩畧駐羲轡。衆合萬億迎。

臣董誥

聖製

年越十六繼。

自乙酉南巡至今庚子凡十六年。

對時延新

景。聯句循故事。便與迴舟泛。

信得

觀風利。

蠲漕普實惠。

上復降旨普免各省漕糧一次江浙為巡蹕所經首

議及之

登豐驗上瑞。

江浙昨歲收成甚豐

詎惟拜

賜榮。

臣梁國治

聖製

勉守勸示意。夙懷酬閔堤。深情厪祈歲。歌

舞漫紛陳。夏諺非茲義。

聖製賜浙江學政彭元瑞

江右兩名士。

彭元瑞與蔣士銓皆江西人。同舉進士入翰林有文名。而

元瑞擢用至侍郎。乃因奉職恪勤。亦練達政務。非僅以詞翰受知也。汝今爲

貳卿。是因敦實行。去聲非特取虛聲。司此盛

文處。要當明道衡。學修民自化。匪所重詞英。

聖製題毛奇齡三詰三誤辨

神州書覽共咨詢。見奇齡序語。

三誤因之三詰

頻。浙水幾曾合浩瀚。吳山未改聳嶙峋。奇齡

奇齡

以舊志云錢塘故城在靈隱山下爲非。援引載籍以駁正之是也。其考訂亦極博洽。但江與西湖中有山以隔之。自南屏至吳山。連岡不斷。天然限制。不能相通。若謂在吳山之東。湖又無可通江之路。山勢聳峙。千古不晦。此不待辨而自明者。奇齡尙不免費。迺東信藉塘堰固無地。安能畚耜循辭矣。奇齡又以舊志謂錢塘無地而有水爲非。亦駁正之。誠是。今據吳山考之。則江湖必不能相通。而錢塘城必不在靈隱山下。安得有無地之說。且果江與湖通爲一片。則當時築塘又何千古湖山自不易。奇齡還以施畚耜乎。

覺費詞真。

聖製題董邦達雪山兼命董誥別圖雪山得
詩二首用一韻

辛巳西巡攜侍臣。雪山卽景寫嶙峋。今來
積玉仍千嶂。圖上之人作古人。

扈蹕侍臣卽世臣。最欣快霽雪存峴。命圖
真景相輝映。亦識斯人有後人。

聖製汪承霈進其父由敦詩文因題句當序

時晴書早壽茗華。

汪由敦書法秀潤久直內廷。戊寅歲命翰林等

排次進呈墨蹟爲十冊摹勒上石。名曰時晴齋法帖。

子舍茲呈遺藁

嘉詩與古期歸雅正文非時調去浮誇席

前我偶懷賈誼書讀爾休慚趙奢舊日西

清劇談輩祇今誰在惹咨嗟。

聖製經筵畢文淵閣賜宴以四庫全書第一

部告成庋閣內用幸翰林院例得近體四

律首章卽疊去歲詩韻

長律昨春示程督

去年經筵四庫全書第一部未竣故有咨爾校

讐總羣輩可宜淹過浹旬期之句以示程督茲第一部書已於昨冬告歲而第二三四部全書亦俱繕就萬冊以上此後照鈔較易成書矣

迅成膏晷竟

前移書多二酉本難究歲始浹旬原弗遲

庫四羣欣瞻有葳奉三我自凜無私繁於

永樂醇於典。

按明永樂大典一萬一千九十五冊。凡五年書成。今四庫

全書。每部三萬六千冊。又薈要。每部一萬二千冊。自癸巳年起。至今壬寅。將及十年間。薈要兩部。及全書第一部。共六萬冊。均已藏事。裝潢貯閣。較之永樂大典。數多五倍。又按湧幢小品。載編輯供事者。凡二千一百六十餘人。今纂修謄錄等。不過千人。而五年期滿。卽予甄叙。錄用。是以人皆踴躍。事半功倍。又大典於經史。皆依韻編次。割裂凌舛。漫無統紀。有乖柱下藏書之義。茲四庫全書。悉依經史子集爲部次。體例尤較醇。

整云。

嘉矣。儒臣善副期。

百年禮樂合興哉。禮樂原從經史來。溯此

津源淵已得。

四庫全書共鈔錄四部。今第一部已得者。弄文淵閣。其第

二三四部。則分皮盛京之文溯閣。避暑山莊之文津閣。圓明園之文源閣。述茲

言行德猶該共殷劉向校書志。寧數相如

獻賦材。諸子雖曾預董事。

皇六子。皇八子。皇十一子。並命

充總裁。閱四庫全書。近復命諸

皇子暨師傅等。選錄明臣奏議。

祇當二宋

速賓陪。

用宋祁延客修唐書事。是日賜宴。即令諸皇子。侑諸臣酒。並頒賞。

丙申高閣秩千歌。今喜書成。鄴架羅。宋輯

明修彼有爲。

去聲

宋太祖踐位後。恐世人譏其慚德。因集文士修太

平廣記。太平御覽。文苑英華。三大書。欲以授其力。而箝其口。明永樂亦以得位不正。集文人爲大典。以弭草野私議。今所輯四庫全書。惟在蒐輯遺佚。以廣流傳。爲萬世藝林津逮。實非彼用意所可比也。

重熙累洽。此無他。較其

三萬猶富矣。卽此十年詎久麼。鼓瑟吹笙

筐將是。

二月初二日。春仲經筵禮畢。卽於是日。賜四庫全書館總裁。總纂總

校分校提調各官等宴。併徧賞總裁九人。總纂各官等七十七人。如意雜佩文綺筆墨硯牋等物。其謄錄等不得與宴者。令頒賜宴席果品食物。至辦理全書之總纂紀昀。先是已屢遷至內閣學士。陸錫熊。屢遷至光祿寺卿。陸費墀。屢遷至少詹事。茲並將孫士毅。擢爲太常寺少卿。韋謙恒。陞授贊善。曹錫寶。王太岳。均陞授國子監司業。其編修吳省蘭等。記名遇缺陞用。以示優獎。慶茲日麗與風和。

從來舉事待時節。四庫修書未豫籌。癸巳

經營謂遲也。

癸巳歲。始思及依經史子集爲四庫全書。並命輯永樂大

典中散篇成帙。然朕臨御已三十餘年。亦望七之歲矣。斯事體大而物博。時畧嫌遲。故甲午聯句詩。有逢會畧嫌遲歲月。就將惟亶願觀成之句。今壬寅甫及十年。薈要兩部。及全書第一部。均已蕝事裝潢。貯閣適當春仲經筵。錫宴行慶。適觀厥成。實堪喜慰。爾。壬寅慶落可歌。不副吾志矣。志誠慚。

勵我爲哉。爲正悠。迴憶四章吟翰苑。卽今

宴祇一人留。

乾隆九年十月。幸翰林院。賜宴。彼時賦詩者共三十八人。

閱今三十餘年。重與陪此宴者。惟大學士嵇璜一人。不無今昔之感。

聖製協辦大學士尙書蔡新奏懇回籍修墓
既允所請並諭毋庸開缺賜詩以寵其行
元年進士似卿稀。懇假還鄉不忍違。學重
書房開絳帳。品端內閣協黃扉。齒加長奈
何其老。談及親應令爾歸。顧我不爲宋高
孝。孜孜猶此勅時幾。

聖製張照之孫鑑來謝恩呈進其祖墨蹟賜

之帛並題是什

華亭入志沛新綸。來謝兼呈手蹟真。日下

却思談往事。雲間那可闕斯人。館臣進呈

江府人物內。闕張照名。諭令補入志書。箴書士孝要之道。幀

詠梅花逸以神。張鑑呈進照所書孝經士

幀一。鑑也無忘勗家學。昌乎祇恐怯前鄰。謂

昌。

聖製戴衢亨獲麇卽賜之因成是什並令和

韻

圍合山原飛走充。儒臣扈蹕咏車攻。拈毫

倚馬本多秀。八帳執禽乃獨雄。

九月朔日。阿濟格究

圍場。於等城待圍時。圍中逸出一麇。修撰戴衢亨執之以獻。因卽賜之。

獵騎

訝看非等類。文班喜語共和融。狀元端是

讓前輩。

丙申年木蘭行圍時。大學士于敏中於行帳中獲一鹿以獻。有獻禽

署閣部之句于敏中
乾隆丁巳修撰也。大鹿小麕獲則同。

聖製每觀舊日詞臣賡和卷冊惟餘大學士

嵇璜一人竭爾成什並書賜之

遣暇石渠舊蹟披。西清賡和綣然思。率登

鬼錄嗟前後。內廷翰林在嵇璜前者張照汪由敦梁詩正錢陳羣劉統

勲張若靄勵宗萬陳邦彥諸人在嵇璜後者蔣溥莊有恭劉綸于敏中嵩壽裘日修董邦達介福觀保王際華錢維城錢汝誠張若澄蔣櫟諸人皆相繼淪謝祇剩

嵇山不動移。四句六如真。弗舛電光石火。
訝於斯。得輿碩果喻君子。較彼韋平似勝
之。

聖製協辦大學士尙書蔡新假滿還朝來避
暑山莊請安詩以賜之

年老君臣似老朋。歸來前席喜誠應。九齡
風度於今罕。彥國精神較昔增。兒輩重瞻

絳紗帳。時流都擬玉壺冰。殷勤問過稱無過。曰信斯之吾未能。

聖製遊烟雨樓與梁國治董誥聯句三疊前

韻作

聖製

庚子圖樓景。肖構勅苑吏。

庚子年南巡迴蹕時。圖寫樓景

以歸於避暑山莊。倣爲之。至辛丑年落成。數典可忘茲。

循名因定第。真面豁重謀。

會心宛一致。南湖牕亞梅。

臣梁國治

聖製北塞漪臨芰。詎惟耐烟雨。亦復宜晴霽。扈

從有鄒枚。

眺覽離塵地。

四詠元璚輪。

熱河烟雨樓。烟曰雨。曰假山。曰真樹。構李不

御製四詠曰

逮也。

三卷襄陽避。活畫含空濛。

御筆倣米芾意寫烟雨樓圖凡

三卷。一貯此樓中。一歸懋
勤宸翰。一貯山莊。臣董誥

聖製清音滌繁吹響鉢非詩壇奪茵擬講肄優

游翰墨林。

瀟灑松竹翳。樛材珥筆仍。梓里觀風

伺。臣國治臣誥均以浙人兩扈
巡蹕。恩賜聯句。實為詞臣未

有之。榮遇鋪菜劭耕蠶。臣梁國治

聖製塗飾却丹翠。敢誇諸政和。所願羣生遂。海

培深厓念。

桑土斯攸暨。詢惟富教籌。綏以剛柔。

轡悠哉鏡影澄。

臣董誥

聖製

勗爾歌聲繼。錢莊胥故人。

烟雨樓有錢陳羣所書趙孟頫

耕織圖詩屏前壬午乙酉兩次南巡皆與莊有恭聯句。

梁董共新事。

興適便迴舫。

瀾清思涉利。俯瞰遊魚樂。

樓旁有董其昌題魚

樂國三字刻石。凭想禾嘉瑞。蓮島隔雲封。熱

烟雨樓為青蓮島

舊址。臣梁國治

聖黿磯足山意。嘉興百里無山。樓前釣黿磯。有石數拳。頗具嶙峋之致。

賡韻嗣前春。罷巡自今歲。自辛未至今甲辰。六巡江浙。適

符我皇祖南巡次。六度迅流陰。五字數適可而止。不敢過也。

申時義。

聖製錢陳羣之孫錢端進其曾祖母所畫四

子講德圖及陳羣書論合卷閱畢還之俾
爲其家世珍並題是什

王褒四子講德論賢母爲圖令子書

錢陳羣之

母陳書畫四子講

德圖。陳羣補書論。却憶石渠經秘畀還

香樹作家儲。一之爲甚豈可再。其或有因

益愴予

石渠向存陳書畫四子講德及陳羣書論。乃陳羣所進。此卷末陳羣

跋載其母於五年中曾畫此圖者再。更爲確證。因思內府旣藏其一。不忍復留此卷。

題什還之。俾其子孫世守。永作家珍。亦爲藝林增一段佳話也。觸目不堪懷舊處。南來老輩半彫疎。

聖製賜休致大學士蔡新還里之作

大學士蔡新。以年近八旬。奏請解職。情詞懇欵。彌眷於懷。因其耆齡遠涉。姑允所請。以原官致仕。加太子太師。乘傳還里。並製詩章以寵其行。

建元臚第丙辰年。五十春秋駒影遷。黃閣
首行千叟宴。白雲心憶七閩天。慰留弗忍
耆而艾。聽去教娛林與泉。祝八旬期仍赴
闕。俞哉嘉子意肫然。

聖製送原任大學士蔡新歸里之作

不忍言留合令歸。及歸言別又依依。忠抒
贊理登黃閣。醇藉授經近紫微。尚計一旬

萬幾勅。

計余歸政之期。屈指十年。顧瞻左右。耆舊甚稀。昨蔡新以引年予告。

奏請於八旬萬壽時赴闕祝釐。情詞懇款。不忍言留。茲路旁送駕。復賦此詩。書扇以

賜。

顧瞻左右老臣稀。心交豈在形容際。榻

下閩山是也非。

聖製題蔣廷錫敖漢蓮用圖中張照題句韻

塞湖聊別闖文鱗。留有香色無跡痕。侍臣

奉詔肖神韻。霞映鍾峰峰畔雲。溫樹何妨

不可語。粉本重圖。篋中貯。干葉蓮本。敖漢種。

皇祖命

移植山莊。時蔣廷錫扈從侍直。奉詔

繪圖。乃壬寅七月事也。此蓋其粉本更臨

設色者。爾時內廷一時鴛侶各有詠。東絹

諸翰臣因共題詠。一時鴛侶各有詠。東絹

年陳如宋楮。紛出手眼期爭美。得天詩句

獨我喜。箇間識者胥古人。圖中題詩者。張廷玉。勵廷儀。張

照。陳邦彥。王圖炳。汪應銓。薄海等七人。計康熙壬寅年題是圖。至今已六十三年矣。

不老祇剩斯君子。白駒真是過隙間。壬寅

週復逾三年。攜至山莊展六月。依然相對

敖漢蓮。

山莊所植敖漢千葉蓮。每六月盛開。今歲臨幸時。攜此圖相對。不辨

是一是二也。

聖製大學士嵇璜每有致仕之意。作此什示

之

願老何須以老悲。

向作金剛壽者相詩。有幾多願老還悲老。云此

非愚愚竟

誰之句。

古稀猶此日孜孜。

余年七十有六。勤政習勞

一切如昔。較之從前。實有過之無不及也。旰宵未倦。依然亶爾。

我同庚。可不思。嵇璜亦辛卯年生。自云精力比前稍減。然應念與朕

同庚。不當遽一去已憐一為甚。昨歲夏初

為歸計也。大學士蔡

新。以年近八旬。予告還里。再隨應識再非宜。漢家災異

三公免君合臣綱。我弗為。漢朝每日食災異。輒罷免三公。

諉過臣下。最堪嗤鄙。今歲丙午正月朔。適逢日食。此乃躔次度數相值。可推算而得。

朕亦惟益加修省。以期感召。天和豈

肯於此時令大學士告歸。如漢家策免三

公之事乎。

聖製致仕大學士蔡新至閩謝恩信至詩以
賜之

康健還鄉路八千。披章旣喜復生憐。喜卿
桑梓堪娛老。憐我旰宵未歇肩。綠野堂開
圍子姓。鰲峰山映教英賢。申誠庚戌重來
祝。蔡新謝恩摺內。稱道路安穩。身體強健。
惟當謹慎調攝。冀於庚戌年八旬萬壽。

時重來祝釐并云不敢不仰體聖慈。知所
自愛。因批諭自然。天加錫佑。我君臣
共祝之。用以慰其依戀之誠。願共期然或
俾勤加順養。得果此願耳。
信然。

聖製題彭元瑞撰皇極殿燈聯詞 有序

寶柱簇行行綵勝。製昉乾清。繡旛先面

面華燈。慶長寧壽。

乾清宮燈柱。樹於臘
月廿四日。卽每日綵

燈聯。至歲除日換
燈收聯。此舊例也。

俟八載方臨茲御。而

萬事貴豫以成。蘄集吉語於王春。用表
祥輝於皇極。爰咨內翰。聿奏聯詞。其惟
瑞簪朶殿之毫。久經予納。大鈞之鑄。成
文來上。省覽載嘉。體以偶連。裁廿言而
雲屬。辨由位正。動八方以風行。十六聯
務去陳言。五十年胥臚實政。曷克臻此。
賴

天恩

祖德之貽。是維艱哉。皆旰食宵衣所致。語有徵而可信。思取巧而不佻。異宋宮內禪

之三。盛真稀古。駕明製虛言之耦。事必

因時。

乾清宮燈聯。仍明代翰臣所擬。不過點竄燈節虛詞。吳元瑞此聯遠

甚。

什以弁吟。書宜表卷。屬詞泰陞。較富

張說之七言。述職明廷。實殊章懋之一

疏。屈指籌開八表。建竿生靄靄之春。盟
心宇御六旬。負展猶孜孜之日云爾。

凡事曾聞豫立詮。嘉稱元瑞製燈聯。東西
次第南而北。左右分明後與前。神以通靈
氣以運。六爲之儷四爲駢。雙撐寶柱輝皇

極。燈柱樹皇
極殿前。虔祝

天恩待八年

聖製曹文植養親歸里因賜之什

八旬有一遠親幃。請養寧當弗賜歸。前席

受恩原種種。南轅欲別自依依。幸其未致

登白簡。

朕每與軍機大臣談及此。以爲設有科道進言。殊難批飭也。

祝

爾久於舞綵衣。庚戌願言重詣闕。

庚戌爲余八旬

萬壽。文植奏於彼時詣闕祝釐。是中間相距亦僅兩年。即可遂其瞻戀之忱矣。俞

哉兩歲暫相違。

聖製賜大學士嵇璜時微疾而痊進見喜而得句用辛丑御門日作韻

邇日籌瀛髮率宣。

臺灣逆匪林爽文等尚未就擒。近日福康安海

蘭察率巴圖魯侍衛章京百餘人。又調各省兵萬人。前往勦捕。每日籌辦軍書。仁望

捷音殊深焦急。

重臣掄俊統軍先採薪喜愈談前

席碩果權休稱避賢。同閣四中今獨在。懸

車一去慢頻連。

四十六年十一月御門日。承旨閣臣耆年者四人。時

大學士英廉嵇璜協辦大學士尚書永貴
蔡新俱年逾七十。今存者祇蔡新嵇璜二
人。而蔡新於前歲致仕家居。嵇璜亦欲乞
休。上年新正。曾賜以詩。有一去已憐一爲
甚。再隨應識。再非宜之句。今日嵇璜以微
疾痊愈進見。喜其精神尚健。不忍令其遽
作歸計也。却云慶八旬乞返。首肯同卿待戌年
計也。嵇璜感予慰留。稱願待予八旬萬壽後。再
行陳請。今計屆期。僅隔兩年。彼時自當允
其所請耳。

聖製觀張照書舊作冬夜煎茶之什輒用前

韻題之

每攬舊作心常耿。孤負夏炎及冬冷。何來

重見張照冊。書我冬夜之前茗。十年前詩

率可刪。自知弗當

去聲

過已領。

張照此冊乃余樂善堂集

中之作。今重加展閱。覺氣格用韻。遠不逮今。予壬申年雜題詩。卽有十年前詩。率可

刪之句。況此尤予少作也。

而況樂善堂集中。硬語強盤

多澀鯁。亦曾有作題照幀詩。不稱

去聲

其揮

紫穎。後知畧稱惜彼亡。徒展遺蹤歎光炯。

丙申年題照書有云。所作自慚弗稱字。今差稱矣。彼亡之。閱今又十餘年。撫卷重題。子之詩律。頗自知之。使照尚在。爲子頻書近作。照書卽佳。對之當無慙色。學到老方知不足。如下脩絲汲古井。茲因賡韻。

識造詣。弗在淪甌及烹鼎。然而用之一憶。

昔六十光陰剎那頃。照書非出命彼爲。想

於斯篇有會省。

凡臣工承命作書俱有奉勅敬書欸。卽爲皇子書亦

必云某人謹書。照此卷雖署御製。然予登
極前所作。並非予命之書也。或照常誦此
詩。因而揮翰。而予卽近詩以觀少作。覺境
地益進。卽今題此什。乃疊舊韻。昔之強盤
硬語。今更漸近自然。惜
照不及見之而書之也。我謂弗稱去聲書如
前。却似晤談清夜。永詩當用正慢用奇。政
實宜寬弗宜猛。目前所會祇如茲。合道否
乎疑捉影。

聖製素心堂有感並書以賜大學士嵇璜

素心含內外。有志亦須陳。書史以修已。股

肱用治民。尊聞則何有。

謂修已。

作古已看頻。

謂諸舊臣。

孰不高年願。高年鮮舊鄰。

聖製大學士嵇璜重赴庚戌科恩榮宴詩以
賜之

木天希遇兩恩榮。戊茂前庚逮後庚。祖節
昔同唐真杲。身階今似漢韋平。可知襲慶

緣修德。所喜力行不務名。黃閣重逢錫褒
什。絲綸盛事紀皇清。

聖製大學士嵇璜八十壽辰詩以賜之

誕日原當六月初。後移稱慶實謙虛。大學士嵇

璜年亦八十。實六月六日生。聞余爲伊賜
慶生辰。不敢先余。祈請移於萬壽節後。嘉
其惻忱。俯
允所請。還鄉未可便從爾。戀闕依然尚

憫予。賜馬賜輿堪贊閣。嵇璜數年前曾祈
預告。念其精神尚

健且朝中大臣。亦無年長逾予者。未經允
准。今年又念嵇璜雖經賞馬。仍恐難於乘
騎。嗣後著。已經賞馬而艱於步履之大臣。
加恩准令乘坐小椅。旁縛短杆。用兩人舁
行入直。以
示體恤。曰來曰史未懸車。從前大學士

俱年過八十。於其生辰。各賜以詩。因其神
明未衰。仍令如常供職。是以賜來保詩云。
皤皤元老多黃髮。自是明廷大吉徵。賜史
貽直詩云。聲望老臣需贊治。名高漫擬卽
懸車。嵇璜當
卽依此例。同庚待我歸政後。南北應同

林下居。

予立願於八十五歲歸政。乙未林
下戲題。有擬號箇中者。還當二十

年之句。以今歲計之。又祇餘五年。嵇璜與
予同庚。可以待予歸政後。同遂林泉之樂
也。

聖製予告大學士蔡新來京祝壽詩以賜之
八句。幸我猶身健。九望憐卿會膝前。祇問
蒼生待忠告。相看白髮尙依然。六千里豈
江山隔。一片心原上下聯。摘藻誌予終始
意。臨歸忍賦送行篇。

皇朝詞林典故 卷一
聖製大考翰苑黜陟事畢因而有作

考績明廷選木天。勸懲要以策羣賢。綠牌
覲面詳詳審。硃筆按名一一填。考行兼之
求古茂。取文亦弗尚新妍。例如

中祀吾事畢。歸政欣於近四年。

聖製題彭元瑞所撰皇極殿燈聯

八柱燈聯元瑞彭。豫教屬句十年成。

乾清宮燈

柱。每歲臘月廿四日。樹柱懸聯。除夕收聯。換燈。以慶歲迎韶。其聯詞乃明代之舊。丙午年。於寧壽宮皇極殿仿製既成。命內廷翰臣撰擬燈聯。彭元瑞屬藁呈進。蓋事貴豫立。時乃省成。溯丙申始修寧壽宮。十年而製燈柱。越丁未題以詩。已酉以予開年八旬萬壽。初立柱綴聯。至今丙辰。距撰詞時又十年矣。東西南北方

隅列。左右後前次第呈。

燈柱八面。各綴一聯。其詞中首字。以

南前北後。東左西右。屬對標明四隅。亦各以其方位排列。次第井井。乃不涉佻。深堪嘉。詰武敷文勤實政。撫遐惠近戒虛名。聯中

所臚。皆予御極五十年以前實事。如平定西域。兩金川。諸武功。編輯四庫全書。定禮樂。開恩榜。諸文治。與夫恩禮儒臣。綏徠藩部。除漕蠲租。省方施惠。諸大典。至於劭農課績。勤政單心。繩

祖武以勅幾戒民

風而崇樸。鉅細臚陳。均非虛語。以視乾清宮燈聯。明代詞臣等點綴燈節。星橋火樹。徒侈諛詞者。實異今製遠甚。予所有取者。意存崇實。不驚虛名。恐難符願。竟如願。前一再題詞。猶初志也。題

詩時。予年七十七歲。計至丙辰歸政。猶有八年。因有雙撐寶柱。輝皇極。虔祝

天

恩待八年之句。彼時雖自覺精力尚健。而勅幾敷政。惟慮年臻耄耋。或有豫怠。惟日

孜孜益加自勉。今幸荷
昊慈。竟符所
願。每至寧壽宮閱視燈聯。在元瑞本實事
爲頌詞。而予視之。
不啻進陳規語矣。頌以爲規。燭照明。

聖製大學士阿桂八十壽辰詩以賜之

黃髮未曾更鮐背。廿年於是掌絲綸。試看

信史今兮古。幸我斯時君與臣。耳重目明

阿桂自丙申入閣。至今已二十年。雖兩耳
重聽。而目力尚能閱小字奏章。部牘無礙
佐理。政何礙。前功後業福猶申。
機政。西師之役。阿桂卽以

侍郎參贊軍營。後爲將軍平定兩金川。晉公爵。至臺灣。廓爾喀用兵。並以軍機大臣居中隨侍辦理。四次功成。繪像紫光閣。功崇福厚。遠超史冊所紀。相期矻矻慢言老。七字促成資壽辰。

皇上

御製原任兵部侍郎覺羅奉碩亭先生予

受業師也茲蒙

勅旨追贈太師禮部尚書職銜懷舊感

恩賦詩紀事

六齡受業隨函丈。師範親承誦簡編。入
學經書資討論。過

庭詩禮賴敷宣。沐

恩澤已光泉壤。聆誨心期法聖賢。養正啟蒙
懷昔日。未聞雅訓廿餘年。

御製奉

勅旨至故大學士公阿桂家中。酹酒誌事。

帝念功勲舊。朝廷重上公。將星落霞表。箕尾
現雲中。函丈儀曾侍。綸扉望最隆。路人
知感泣。不愧世家風。

御製冬至上書房

髫齡卽入學。荏苒卅餘年。愧未明經史。
勉期希聖賢。趨庭時領。

訓受璽敬承

天兢業寸心凜。危微古籍傳。重遊新絳帳。試
拂舊青氊。接席排文翰。連牀列講筵。弟
兄仍共坐。子姪喜摩肩。惇叙遵

皇父卽看

六代全。

乙卯冬

皇父申諭歸政後。皇子

孫曾元輩仍在上書房讀書。今元孫

載錫已可冀得來孫。天潢衍慶。六
世同堂。計六歲就傅。爲期亦不遠耳。

御製送大學士王杰歸里成長律二首

名冠朝班四十年。清標直節永貞堅。樞
庭久值宣綸綽。講幄昔從授簡編。歸里
先叅

天上佛。杖鄉共仰地行仙。期頤福壽增康健。

紫禁重來赴叟筵。

我

千叟宴。

皇曾

祖

肇舉

皇考曾

兩次舉行。實乃熙朝盛事。養老隆儀。爲
前古所未有。予擬於己卯年六十萬壽。

敬昉前規。踵行此典。以敷仁壽之
休。維時王杰年臻大耋。優游康健。計可
重赴闕廷。
預斯恩讌。

屢蒙

恩旨。掌文衡。藝苑羣瞻桃李榮。直道一身立

廊廟。清風兩袖返韓城。

先皇手澤常承福。東國靈蓂永衛生。
玉鳩杖一枝。曾

經

皇考御座陳設。檢以授之。卽同
先皇手賜無異。益以東蓂一觔。爲

資衛生頤養用示

兩朝恩遇之深

更御製詩章聯語以寵其行俾得常承

福祉益

固壽祺西望渭川雲渺渺鱗鴻時達慰

離情

御製予告大學士王杰八旬雙壽詩以賜之

輝騰紫極耀韓城海屋籌添鶴算羸地
近西池增福祿。星明南斗燦晶瑩。

兩朝調鼎文思被。八袞齊眉壽域宏。德業久
敷俾戩穀。期頤雙慶衍長庚。

御製予告大學士王杰來京謝恩仍疊前
韻賜之

西來紫氣滿都城。八袞仙翁數倍羸。趨
禁仍隨鴛侶列。杖朝爭覩鳳墀瑩。願卿
永享修齡慶。勗我常思治業宏。眉壽無

涯益康健。千春旋轉樂同庚。

御製題石君大學士知足齋詩集用集中

嘉慶元年七月旬日內連奉廷寄

恩旨命珪來京將授爲大學士恭紀四首詩

韻

丙歲承

恩手勅傳待時

考澤敬敷宣。

丙辰七月。石君於兩廣總督任內。曾蒙皇考特寄恩。

旨。有前令朱珪來京。另候簡用。欲以補授大學士。不必心存疑慮之。諭嗣

緣粵洋艇匪入閩。疎於督飭防捕。是以

宣綸中止。彼時降為巡撫。旋又洊

擢尚書。

知遇之隆。

先朝久已

申錫。予恪遵

前憲。寵命重頒。雖拜

新恩於此日。猶奉

手勅於當年。卽

令其起身叩謁。

裕陵以伸謝悃。

科名翰苑推元老。學業綸扉倚大賢。定

卜

示慈十載久執經。蒙誨卅年先調羹。贊化資

師相。一德臨民體

昊乾。

三天受業邁桓榮。廊廟班聯冠六卿。黃

閣新春開輔座。絳帷昔日共書城。

予於舞象

之年。卽得與石君日日講求經史。

德崇

旁及詩文學力得之石君者居多。
益勉虛能受。任重彌思寵若驚。名選金

甌早

簡在亮工熙績總無營。

新築沙隄董庶官。七旬碩彥願加餐。惟

公常勗爲君要。顧我深知莅政難。無欲

神全三壽永。有容德大九霄寬。蒼生伋

待施霖雨。啟沃推誠求治安。

健筆千章涅不緇。雄詞夙荷

聖人知。曰宣三德新宣室。時講五箴舊講帷。

石君於乾隆庚子秋恭膺

簡命出

任閩中學使。曾以五箴寄呈。其目曰養心。曰敬身。曰勤業。曰虛已。曰致誠。詞古理深。洵堪置之座右。每於幾暇展觀。不啻在書帷中。時相探討也。學杜師韓言有物。說經詠

史論無私。精研六義諧風雅。游夏誠難

贊一辭。

皇朝詞林典故卷七

皇朝詞林典故卷八

天章

文

聖祖仁皇帝

聖製講官箴

予企至道。覃思簡編。朝夕討習。禮茂講筵。詩
人有云。顯示德行。啟沃惟賢。庶幾金鏡。爾列

詞苑。峩峩在廷。細旃廣廈。論史談經。體之行
之。朕躬是力。載獻載替。爾職宜飭。毋務勦說。
毋苟雷同。毋繆於正。毋悖厥中。在昔大儒。稱
先則古。皐夔是師。言規行矩。誼貴翼勵。先正
其心。爾苟勿欺。吐詞足欽。詎曰名義。可以塗
飾。詎曰聖賢。可以蠡測。關閩濂洛。炳矣心傳。
撰述大旨。庠序宗焉。用昭儒修。用宏教澤。爾

其勉茲尙無攸斁。

世宗憲皇帝

聖製諭科甲出身官員

記載之失實。人多忽而不知覺察。朕侍

皇考聖祖仁皇帝數十年。時時祇聆

聖訓。今觀臣工記載者。舛錯疎漏之處甚多。

朕嗣統以來。元年二年。內閣面奉之旨。書寫

時動輒訛舛。自張廷玉爲大學士。聽朕諭旨。悉能記憶。繕錄呈覽。與朕言相符。蓋記載一事。良非易易。毫釐千里之差。不可不慎。是以諸臣欲記朕諭者。朕皆令繕寫進呈之後。方許存稿。恐其失實以傳訛也。朕因科甲積習。有關世道人心。屢進翰詹科道諸臣。而面諭之。旋令翰詹等百餘員。記錄所聞。繕寫以進。

朕一一披覽。則人人各殊。有與諭旨全不相符者。有數語偶合而記憶不全者。又有詞句鄙俚。意義蒙晦者。以一日同奉之諭旨。而至於百其人者。百其說。不亦舛謬之甚乎。其中若有能文之士。私自存錄。流傳於後。遂以爲朕當日之訓旨固然也。其貽誤不淺矣。朕觀前史所載。未可全信。每滋後人之口實。如漢

文帝見賈誼問以鬼神。至夜半前席一事。李商隱則爲詩譏之曰。可憐夜半虛前席。不問蒼生問鬼神。夫賈誼入見時。文帝方受釐坐宣室。因感鬼神之事而問之。此固非問蒼生時也。如欲問蒼生之事。隨時可以召對。又何必夜半哉。至於坐久前席。亦尋常事耳。且文帝漢之賢主也。恭儉仁厚。移風易俗。閱歷世

務深矣。視賈誼之疎狂少年。其才識相去何啻什伯。蓋知其不足與問蒼生。故姑問鬼神耳。賈誼經濟。俱見治安策中。不獨論當世之務。迂濶難行。其於堯舜之治道。亦未窺見本原也。賈誼之策。僅託諸空言。文帝之功。已見諸實事。文帝豈棄才之主哉。而王勃又謂屈賈誼於長沙。非無聖主。竄梁鴻於海曲。豈乏

明時。朕以爲屈賈誼於長沙。必須聖主。竄梁
鴻於海曲。正待明時。鴻之詭激。自棄於肅宗
之朝。誼之疎狂。未足以佐文帝之治。安得以
是爲二君譏議哉。孔子嘗言爲君難。卽此可
見。設有一夫私議。妄自記載。非惟庸主無由
剖析。雖明哲之君。亦何從聞見而正其是非。
其流傳失實。受誣於後世者。不知凡幾矣。孟

子曰。盡信書。則不如無書。誠以記載未可盡
憑。而欲杜好議論者之口也。人情厭常喜新。
稗官野乘。好事者流。無端撰成一說。娓娓動
聽。按之皆子虛烏有。此其荒唐誕幻。無足論
者。若夫記言記事國之大典。將以徵信後世。
烏可或忽。今乃親承提命。而記錄多舛。尚足
當載筆續言之任。而無忝乎。用是薈萃翰詹。

諸臣奏摺。細加揀汰。其與朕之諭旨。間有符合者。採摭聯綴。融會成篇。付諸剞劂。人賜一帙。俾各朝夕觀省。是訓是行。以祛科甲之積習。並知記載失實之非。庶乎憬然惕然。歷久而勿忘也夫。

聖製九日宴羣臣擬柏梁體詩序

朕繼大統。惟朝乾夕惕。兢兢仰法。

皇考期賢哲盈廷。民康物阜。永承至隆之
聖治。嘗思古之明良。賡歌喜起。君臣一德同
心。曠代爲之欣慕。今在廷臣工。協衷以資贊
理。顧瞻濟濟。皆我

皇考數十年教育栽培之所詒也。是以庶政
具舉。兆民樂業。朕實嘉賴焉。康熙二十一年
春。

聖祖於乾清宮開昇平之讌。振賡颺之歌。盛
稱一時。美冠千古。今丙午九月。節屆重陽。覽
百穀之斯登。忻三農之有稔。光風溢目。海宇
澄清。爰集王公卿尹。用陳几筵。笑言勿禁。威
儀不拘。旣相悅於一堂。可弗限夫三爵。然禮
著享燕之義。詩有嘉賓之詠。古君臣於飲食
燕會間。卽具獻納拜颺之典也。唐虞文武之

世休風如昨。朕與諸卿。宜則倣之。今用柏梁
體。朕爲倡始。諸卿遞成篇什。今日也。非徒命
酒徵歌。揚華摘藻。蓋欲昭

聖祖養育之深恩。朕廷泰交之雅會。垂之奕
世。永傳斯事云爾。

高宗純皇帝

聖製瀛臺賜宴聯句詩序

稽古虞廷。卿雲有什。亦越周廟。湛露升歌。股肱之義。斯明。上下之情。攸暢。胥任亮采。惠疇之寄。應同先憂後樂之心。故以式宴陳詩。必有取爾。颺言拜手。豈徒然哉。歲在攝提。月維夷則。披雄風於閭闔。揚皞日於蓬萊。慶叶西成。感。

圓穹之厚賜。筵開上苑。仰。

聖祖之徽猷。蘭沼澄而鏡影開。楓林踈而黛
光罨。蘆藏迴雁。無煩寄塞上之書。藻樂遊魚。
更致想渭濱之釣。召儒雅而布席。匪爲賞花。
對景物以開樽。多因登穀。桂馥涵元殿。甫度
中秋之晨。菊芳待月軒。豫借重陽之會。園臨
豐澤。麟鳳紛來。院賞淑清。魚龍曼衍。於是庖
人設宜涼之饌。常侍頒授衣之緋。藻思構而

皇朝詩林典故 卷八
艷吐筆花。繪景呈而香霏墨雨。三爵無限。尚
餘恭儉之儀。一日追歡。敢忘惕乾之警。千言
成序。自愧無文。七字導吟。共成全首。

聖製皇清文頴序

我大清受

命百餘年。

列祖德教涵濡。光被海宇。右文之盛。炳焉與

三代同風。朕紹聞遜志。以是爲學。亦以是爲治。矢其文德。一紀於茲。易曰觀乎人文。以化成天下。蓋自有天地而人經緯乎其間。士君子之一言一行。國家之制度文爲。禮樂刑政。布之爲教化。措之爲事功。無非文也。乃其菁英所萃。蔚爲國華。詞以殽之。聲以永之。律以和之。諧協六同。彰施五色。典謨作焉。雅頌興

焉詩不云乎。追琢其章。金玉其相。文之盛也。
而賡之曰。勉勉我王。綱紀四方。則所謂其風
自上也。曩我

皇祖命大學士陳廷敬。選輯皇清文頴。儲之
延閣。未及刊布。

皇考復允廷臣之請。開館編輯。隨時附益。久
之未竣。朕因命自乾隆甲子以前。先爲編次。

凡

御製詩文廿四卷。臣工賦頌及諸體詩文一百卷。錄成序其首簡。昔之論文。以代爲次者。於漢則有西漢文類。唐則有文苑英華。唐文粹。宋則有文海。文鑑。元則有文類。明則有文衡。皆博綜一代著作之林。無體不備。今是編惟取經進之作。朝廷館閣之篇。與諸書小異。

然以觀斯文風尚。當有取焉。在易渙之象曰。風行水上。善立言者。以爲天地自然之文。而序卦受之以節。言文之不可過也。繼之以中孚。言有實也。節而不流。徵之以信。有典有則。可久之道。其在斯乎。朕孜孜典學。求所以善持之者。因以爲摛文者鵠。俾共勉云。

聖製詞林典故序

詞林典故書成。大學士張廷玉等以序請。朕
惟六經之士。豈易言哉。而況躋玉堂而列芸
署者。盡六經之彥也。木天故事。歷代沿革。具
見於斯。則又何言。惟是國家重館閣之選。極
優遇之隆。詎止蜚其英聲。將以華國而已哉。
如濂溪所謂文以載道者。舍是無他求。夫布
衣韋帶之士。由立言以期不朽足矣。若夫國

家右文重道。將以淑世熙績。繼往聖之絕學。
開萬世之太平。胥是賴焉。名之盛者實難副。
任之大者責彌重。譽之來者毀亦隨。其尚思
春華秋實之喻。而凜虛車麟楨之譏哉。

聖製沈德潛歸愚集序

沈德潛將鋟其歸愚集。前稽首而請序。且曰。
人臣私集。自古無御序例。第受特達之知。故

恃寵以請。不卽望序。或訓示數語可乎。德潛
老矣。憐其晚達。而受知者惟是詩。余雖不欲
以詩鳴。然於詩也。好之習之。悅性情以寄之。
與德潛相商。推者有年矣。茲觀其集。故樂俞
所請而序之。夫德潛之詩。遠陶鑄乎李杜。而
近伯仲乎高王矣。乃獨取義於昌黎。歸愚之
云者。則所謂去華就實。君子之道也。夫子之

訓小子曰。何莫學夫詩。使如後世雕龍祭獺之爲者。聖人將斥而禁之。顧反疏其源而導其流乎。亦惟是名教之樂。必有言之不足而長言之者。舍是其何以哉。昌黎因文見道。始有是語。固不必執風骨體裁。與李杜較甲乙。而歸愚叟乃能深契於此。識夷守約。斂藻就澹。於向日所爲壯浪渾涵。陵嶒矯變。人驚以

爲莫及者。自視若不足。且有悔心焉。是則李杜高王所未到。而有合於夫子教人學詩之義也。夫非常之人。然後有非常之遇。德潛受非常之知。而其詩亦今世之非常者。故以非常之例序之。異日者江國行春。靈巖駐蹕。思欲清問民艱。暇咨新什。將訪歸愚叟於愚公溪谷之間矣。

詩古文書窗所夙嗜。踐阼以來。萬幾鮮暇。雖或寄興吟詠。而古文不數數爲之。是序構思染翰。至四刻始就。非復有曩日弓燥手柔之樂。況能津逮古人耶。歸愚叟於近代詩家。視青邱漁洋。殆有過之無不及者。故樂爲之序。不復計其工拙遲速。書卷以賜。歲云暮矣。封事稍稀。更償文債。亦足爲

藝林增一勝事也。乾隆辛未小除夜書於

坤寧宮

聖製集石鼓所有文成十章製鼓重刻序

凡舉大事者。必有其會與其時。而總賴昭明
天貺以成其功。武成九次。無論矣。卽如四庫
全書。及以國書譯漢藏經。皆始於予六旬之
後。自癸巳年蒐輯海內遺書。並於永樂大典
內採集散篇。命館臣依經史子集督繕四

庫全書四分。又佛經本出厄訥特克一譯而爲唐古特之番。再譯而爲震旦之漢。其蒙古經。則康熙及乾隆年陸續譯成。而未有國書之佛經。先於三十七年。亦命開館譯定。茲二事卷帙浩繁。俱非易於觀成者。乃皆在予六旬後始命舉行。初亦不覺其遲也。旣而悔之。以爲舉事已晚。恐難觀其成。越十餘載。四庫全書。則早叅攷裝潢畢。以貯之閣。而所譯漢藏。茲亦將告畢。就此非

天恩垂佑。俾予雖老而善成此二事乎。近因

閱石鼓文。惜其歲久漫漶。所存不及半。夫以
國學興賢述古之爲。千萬年之後。使並此僅
存者。胥歸無何有之鄉。有治世之責者。視之
而弗救。予且不成爲讀書之人矣。斯事體大。
千古讀書人所不能任。亦從無道及者。予故
不怍不文。及此未至耄耄知昏。爰蒞此事。蓋
石鼓之爲宣王時作。與夫宜置國學。爲萬世

讀書者之津逮。自以韓昌黎之見爲正。車攻

吉日之章。班班可考也。

後人議論紛出。如董道程大昌據左傳成

有歧陽之蒐。以爲成王鼓。鄭樵據毆蚕二字。見秦斤秦權。以爲秦鼓。馬定國據後周書。以爲宇文鼓。陸友仁據北史。以爲元魏鼓。至楊慎之僞作全文。爲謬尤甚。總不若韓愈之見爲正。蓋卽本鼓之文。取證小雅。可信也。若歐陽修集古錄云。韋應物以爲文王鼓。宣王刻。今應物石鼓歌具存。明以爲宣王。何曾有文王之說。近者尚誤。況與論三代以上哉。夫昌黎有其見而無其力。且未思及存其詩則

予較昌黎爲勝矣。茲用幸翰苑之例。乾隆九年重修

翰林院落成。親臨賜宴。以張說東壁圖書府五律四十字爲韻。予賦東字及末音字二韻。其餘飭諸臣各分一韻賦詩。親定首章。截其長以補後數

章之短。卽用文中字並成末章。自第二至第九。命彭元瑞按餘字各補成章。非因難以見巧。實述古以傳今。於是石鼓之文。仍在十鼓。井井有條而不紊矣。舊鼓舊文。爲千古重器。

三才圖會
卷八
不可輕動。但置木柵。蔽其風雨。以永萬世。而
新爲十鼓。以刻十章。並列國學。以公天下。惠
後儒。則仍周宣之文也。熱河

文廟。爲歲歲惠遠。詰武之地。則亦命置之以
詔來世。庶乎宣王中興之烈不泯。

宣聖牖世之道恒昭。而予及耄耄之年。尚得
蒞此崇文之舉。孰非會之萃。時之合。深蒙

昊貺之所致哉。希周家卜世之久。鬯皇清重
道之規。後世子孫。尚慎念之。是爲序。

聖製題彭元瑞所進八旬萬壽八庚全韻詩

冊

羣臣所獻萬壽詩詞。自當以彭元瑞此冊爲
巨擘。愛其用意巧而不纖。行文正而胥實。因
自首聯讀至末。惜其尾聯平仄不諧。蓋長律

格調所最重也。翼日召見元瑞言及之。實亦驚惶無措。予當下恍然有悟。庚韻一百八十有九字。讀至尾聯。自當不諧首句。因卽口占。將尾聯上句之庚。移爲首句用韻之聯。將末句諧平仄。卽爲全璧。此實西清佳話。不可不紀。因命董誥書冊後。

皇上

御製勤政殿記

我

皇考於理事正殿皆顏勤政殿。誠以持心不可不敬。爲政不可不勤也。六十餘年。

身體力行。垂教後嗣。子孫臣庶。觸目警心。知所效法。永保無疆之祚。常警怠忽之念。予小子敬承大業。夕惕朝乾。無時或懈。蓋天

下至大。惟日孜孜。恒恐不及。若聽政不勤。或勤而不加審察。則叢脞隨之。流弊滋甚矣。夫敬爲勤之本。唯敬勝怠。心主於敬。則無時不提撕警省。所謂清明在躬。氣志如神。遇事洞燭。見理精詳。雖克勤而不覺其勞。無所用其勉強。從容中道。心主於敬之功效也。自天子以至於庶人。皆以敬勤爲

立身之本。君勤則國治。怠則國危。臣勤則
政自理。怠則政不綱。爲學不勤。則學業無
成。力農偶怠。則田功必棄。以至工商賤業。
事雖異。而理則同也。然勤勝怠。人所同知。
彼好逸厭勞者。皆心不能主於敬。故不勝
怠惰之念耳。我朝

家法。無一日不聽政臨軒。中外臣工。內殿進

見君臣無閒隔。睽違上下交泰。民隱周知。
視前明之君。深居大內。隔絕臣工。竟有不
識宰相之面者。相去奚啻霄壤。朕承

考訓。曷敢忘敬勤。曷敢耽逸樂。一日二日萬
幾。至繁且重。內而六部九卿。外而直省大
吏。誠能夙夜在公。存心匪懈。各勉敬勤。匡
予不逮。衆志成城。何患不治乎。若心存懈

怠。身耽安逸。惟知尸祿保位。國計民生。漠
不動念。則政事廢弛。其害可勝言哉。故書
此記於殿壁。旣以自戒。兼告諸臣。庶幾永
持此敬勤不怠之志。仰副我

皇考垂示後人。立身圖治之大經大法。期共
勉以無忘。是予之至願也。謹記。

皇朝詞林典故卷八

臣等竊惟唐宗念典傳雅詠於集賢宋帝
右文賜宸篇於秘省敵之詞苑允矣美聞
我

朝

列聖優禮儒林形諸

藻翰

御集所載與詞臣唱和及

恩賜詩章累牘盈編星稠漢倬茲者敬編

皇朝詩林典故 卷八
天章一門恭載

列聖奎文。

皇上宸製以著

昭代

文思之盛。儒臣遭際之榮。迥非唐宋以來。誦詩講

易之篇。賞花釣魚之句。所能髣髴萬一也。

臣

朱珪

臣

覺羅長麟

臣

英和拜手稽首恭

跋。



